

Gvangjsih Minzcuz Bau

ganbbau: CN45-0036 B.2013 Nd.3 Ng.6 liggaueq gveiqeib nienz ndwenciengngeihngux

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3063期

Cibngeih Gaiq Daengx Guek Yinzda Daih'it Baez Veiyl Youq Baekging Ciuhai

十二届全国人大一次会议在京召开

3 nyied 5 hauh banhaet, Cibngeih Gaiq Daengx Guek Yinzda Daih'it Baez Veiyl youq Baekging cingqsik ciuhai.

Baez daihhoih neix yicwngz baugvat: Dingqaeu nem saemjlnh cwnghfuj gunghcoz baugau, saemjcaz nem baecinj giva baugau, saemjcaz nem baecinj yawhsuenq baugau, byaujgez doenggvaq daengx guek yinzda caizgingh veijyenzei gij mingzdan boughyobbaenz haenx, dingqaeu nem saemjlnh Daengx Guek Yinzda Cangzveijvei gunghcoz baugau, Cuigauh Yinzminz Fazyen gunghcoz baugau, Cuigauh Yinzminz Genjcazyen gunghcoz baugau, saemjlnh gozvuyen gihgou gajgwz nem ciznwngz gajbienq fangh'an, senj Cibngeih Gaiq Daengx Guek Yinzda Cangzveijvei veijyenzei, fuveijyenzei, misuhcangj, veijyenzei, senj gozgyah cujsiz, fucujisiz, gietdingh doenghboux hab guh gozvuyen cunghfuj, gietdingh doenghboux hab guh gozvuyen fucunghfuj, gozvu veijyenzei, gak bu buchangj, gak veijyenzei cujyin, Cunghgoz Yinzminz Yinzhangz hangzcangj, sinjgicangj, gozvuyen misuhcangj, senj cunghyangh ginhveij cujsiz, gietdingh doenghboux hab guh cunghyangh ginhveij fucujisiz, veijyenzei, senj Cuigauh Yinzminz Fazyen yencangj, senj Cuigauh Yinzminz Genjcazyen



yencangj, byaujgez doenggvaq gijwnq bet aen Daengx Guek Yinzda Cienmonz Veijyenzei gij mingzdan doenghboux gyeobbaenz haenx, saemjlnh daihhoih gak hangh gezyi caujan, daezcingj daihhoih byaujgez.

Daihhoih dungyenz daengx guek gak cuz yinzminz gaenjaed doxgiet youq henz dangcunghyangh aeu Siz Ginbingz guh cungsuhgi haenx, vnzlai caezsim, haenqrengz baenaj,

caen'itboux doihaeuj guek raeuz gak hangh gajgwz hailangh saehnieb fazcanj baenaj, vih saedyienh cienzmienh laebbaenz siujgangh sevei aen muzbyauh neix nyinhcaen roengzrengz.

Baez daihhoih neix gungh hai 12 ngoenz bueng, yaeq youq 3 nyied 17 hauh banhaet haisat. Ndaw doz dwg gyoengq saujsu minzcuz daihyauj daenj ndangdaenj moq ndei camgya gaihmuji. (ciuq Sinhvaeze)

Daengx Guek Cwnghez Cibngeih Gaiq Daih'it Baez Veiyl Youq Baekging Hai

全国政协十二届一次会议在京召开

3 nyied 3 hauh lajbyonghngoenz 3 diemj, Cunghgoz Yinzminz Cwngei Hezsangh Veiyl Cibngeih Gaiq Daengx Guek Veijyenzei Daih'it Baez Veiyl youq Yinzminz Daveidanz heij hai lo. Daengx Guek Cwnghez Cibngeih Gaiq Daih'it Baez Veiyl wnggai miz 2237 bough veijyenzei camgya, saedcae miz 2206 bough camgya.

Baez daihhoih neix cujyau yicwngz miz: Dingqaeu nem saemjlnh 《Daengx Guek Cwnghez Cangzveijvei Gunghcoz Baugau》youz Cib'it

Gaiq Daengx Guek Cwnghez cujsiz Gyaz Glinglinz guh haenx, dingqaeu nem saemjlnh 《Daengx Guek Cwnghez Cangzveijvei Dizan Gunghcoz Cingzvang Baugau》youz Cib'it Gaiq Daengx Guek Cwnghez fucujisiz Van Gangh guh haenx, camgya Cibngeih Gaiq Daengx Guek Yinzda Daih'it Baez Veiyl, dingqaeu caemhcai yaenglwnh cwnghfuj gunghcoz baugau, Cuigauh Yinzminz Fazyen gunghcoz baugau, Cuigauh Yinzminz Genjcazyen gunghcoz

baugau, gij gangjmingz 《Gozvuyen Gihgou Gajgwz Nem Ciznwngz Gajbienq Fangh'an》, senj Cibngeih Gaiq Daengx Guek Cwnghez cujsiz, fucujisiz, misuhcangj, cangzvuveijyenzei, saemjlnh caemhcai doenggvaq Daengx Guek Cwnghez Cibngeih Gaiq Daih'it Baez Veiyl cwngei gezyi daengj gezyi nem baugau.

Baez daihhoih neix gungh hai 9 ngoenz, daengz 3 nyied 12 hauh banhaet haisat. (ciuq Sinhvaeze)

SIUSIK DINJ

简讯

● Youq Daihsam Gaiq Cunghgoz Cietgingq Okmoq Lundanz geij ngoenz gonq haisat haenx, Gveilinzi Siufungh "Sam Nyied Sam" hawfwen, cietfwen minzcuz ndaej heuhguh "2012 cietgingq buengj Cungguek aen cietgingq swnjienzei conzdungj ceiq ndei".

(Lungz Vaizyi Couh Vaz)

● Daj hauej seizdoeng dauej, Denzlinz Yen youq seizhoengq cujciz mizgven bumwnz hauej daengx yienh 43 aen mbanj gunghhoj bae gaihcanj saedyungh gisuz beizyin, hawj 4815 bough ginzcong gunghhoj gaemmaenh it daengz song hangh saedyungh gisuz.

(Fungz Cinhyinz Luz Anhbingz)

● Gaenh bi dauej, Lozcwngz Mulaujcuz Swciyen mboujduenh gyadaih ligdoh roengz ngaenz gensez vwnzva lajmbanj. Ciuq cam rox, aen yienh neix gaenq guhsat daengx yienh 11 aen yangh(cin) vwnzvaca byauhcuja gensez, lajmbanj yezyiz vwnzyidui gaenq fazcanj daengz 79 aen, yezyiz dijujzdui 116 aen, duzlungz saeceij byaujyenjdui 30 lai aen.

(Se Danh)

● Geij ngoenz gonq, "Gvangjsih Mbawcaz Yozvei Daihbet Gaiq Lijswvei Daihngaih Baez Cangzvu Lijswvei" youq Vuzcouh Si gawjbanh, youq gwnz hoih, Lingzyinz Yen Yihungz Yauzcuz Yangh ndaej bingzguh "2012 nienz Gvangjsih aen yangh caz canjyez mizmingz", youq gih raeuz daih'it buok 5 aen "Gvangjsih aen yangh caz canjyez mizmingz" ndawde ciemq aen he, hix dwg Bwzswz Si daih'it aen.

(Loz Caijginz)

● Ciuq gyoepsuenq, Bi' gvaq Lingzyinz Yen daengx yienh gungh swnghecanj cazauij 4159 dun, beij bi' gyai demhwnj 16.8%, saedyienh canjciz 2.31 ik maenz, beij bi' gyai demhwnj 49.1%, boughndae mcaz moix ranz bingzyaenz souhauej 1.81 fanh maenz, saedyienh demsou 7900 maenz, canjciz, yauyiz dwg lizsij ceiq sang.

(Loz Hihhaij Cwng Senhlinz)